

Fundargerð

Fundur var haldinn í stjórn Íslenskrar málnefndar í fundarherbergi á Stofnun Árna Magnússonar í íslenskum fræðum, Laugavegi 13, 4. hæð, þriðjudaginn 25. ágúst 2015 og hófst kl. 14.30. Fundinn sátu: Guðrún Kvaran formaður, Haraldur Bernharðsson varaformaður, Anna Sigríður Þráinsdóttir, Eiríkur Rögnvaldsson og Sigríður D. Þorvaldsdóttir. Jóhannes B. Sigtryggsson frá Stofnun Árna Magnússonar í íslenskum fræðum ritaði fundargerð.

1. Skýrsla um störf Íslenskrar málnefndar 2010–2015

Sjá fg. stj. ÍM 5/2015, lið 2. Formaður lagði fram lokagerð skýrslu sinnar um störf ÍM 2010–2015. Hún var send til nefndarmanna í Íslenskri málnefnd 17. ágúst og verður lögð fram til samþykktar á lokafundi núverandi málnefndar 27. ágúst. Eftir að henni hefur verið skilað til ráðherra verður hún sett inn á vef málnefndarinnar, islenskan.is.

2. Endurskoðun íslenskra ritreglna

Sjá fg. stj. ÍM 5/2015, lið 3. Haraldur sendi *Drög að endurskoðuðum íslenskum ritreglum* til stjórnar ÍM 23. ágúst. Eins og segir í inngangi þeirra þá eru drögin „vinnuskjal og áfangi í endurskoðun íslenskra ritreglna“. Haraldur greindi stuttlega frá sögu verksins. Hann sagði að tilgangurinn með nýjum ritreglum væri að þær kæmu formlega í staðinn fyrir núgildandi auglýsingar um stafsetningu og greinarmerkjasetningu frá 1974 og 1977. Stefnt væri að því að nýjar ritreglur yrðu birtar í *Stafsetningarorðabókinni*. Anna sagði að hægt væri að leggja til að ný málnefnd auglýsti ritreglurnar í Stjórnartíðindum þannig að þær fengju formlegt vægi. Formaður sagðist vera mjög ánægður með drögin. Þau væru skýr og greinargóð og til mikilla bóta.

3. Önnur mál

a) Úttekt á efndum íslenskrar málstefnu

Anna hyggst lesa skjalið og samræma útlit þess. Skjalið verður sent nefndarmönnum í Íslenskri málnefnd til upplýsingar fyrir síðasta fund nefndarinnar 29. ágúst.

b) Málnefndaðing í Hróarskeldu í ágúst – fundarfrásögn

Sjá fg. ÍM 5/2015, lið 3, a. Ritari greindi frá ferð sinni og Steinunnar Stefánsdóttur á fund netverks málnefndanna og málnefndaðing í Hróarskeldu í Danmörku. Þema þingsins var Sprogforståelse og kommunikationsstrategier i Norden.

Fleira gerðist ekki og var fundi slitið kl. 15.15.

Guðrún Kvaran
sign.

Jóhannes B. Sigtryggsson
sign.